

## Salud da Gastel-Paol

E Kastel-Paol hirio an deiz  
 Ema pardon Bugale Breiz  
 Diredet a zo tud e leiz  
 Da enori bro o c'havel  
 Da enori bro o c'havel  
 Douar koz o Mam Breiz-Izel.

Ni ho salud tud a galon  
 Fleuren yaouankiz Bro-Leon  
 A ra enor d'ar Vro vreton  
 Hag a zalc'h uhel ho panniel  
 Hag a zalc'h uhel ho panniel  
 En despet da yud an avel.

Evit difenn ar Brezonek  
 Ken enorus hag ar Gallek  
 Ar bihana vō kalonek  
 Hag an distera vō nerzus  
 Hag an distera vō nerzus  
 R̄ag chom a drenv a vē mezus.

F. JAFFRENNOU-TALDIR.

# SILVESTRIK


Eur zôn goz, var eun ton trueuzus ha kaer meurbed,  
bet savet divarben eur zoudard yaouank en amzer  
ma pade pell-braz ar gonje-zoudard.

Andantino

E - tre cha-pel sant Ef-flam ha to-sen Me-ne Bre, zo  
eur c'ha-bi-ten yaou-anck o se - vel eun ar-me : Zo  
eur c'ha-bi-ten yaou-anck o se - vel eun ar - me : Me  
meuz eur mab, Sil - ves - trik, a la - var mont i - ve.

- 2 « Siouaz, aotrou Kabiten, 'meuz ken mab nemetan  
Ganen c'houi 'po 'r vadelez da lezel anezan. »  
— Allaz ! tad koz maleuruz, ar marc'had 'zo sinet ;  
Touchet en deuz an arc'hant, d'an arme 'rank kerzet.
- 3 A berz an tad glac'haret, var dachen ar brezel  
Eun dervez eul labousik a nj a denn-askel :  
— « Deiz mad deoc'h c'houi, Silvestrik, deiz mad ha levenez,  
Penaoz ema ho yec'hed, ho nerz hag o puez ?
- 4 — Disken 'ta, labous bihan, diskenn var da zaou droad  
• Ma skrivin d'id eul lizer da gas d'ar gêr d'am zad :  
« Yac'h eo ho mab Silvestrik, yac'h ha laouen bepred ;  
» Dizale e tistroio var-zu e vro garet. »
- 5 An tad bemnoz ha bemdez ne baouez da zonjal  
En e grouadur yaouank en arme e Bro-C'hall.  
E kreiz an noz, ec'h hunvre hag e stag da ouela :  
« Aotrou Doue, Silvestrik petra deu da veza ! »
- 6 P'edo kousket an tad koz 'n e wele kousket mad  
Ar merc'hed a oue klevet o kana son e vab  
Silvestrik zo d'ar mare demdostik d'an treujo  
: « Na ouelit ket va zad kêz ho mab a zo distro ! »

*Destumet gant P. Tr.*



## Ar Yarik-Wen

Eur zón goz, var eun tón kaér, a vro Wened.

Goustad kenan ha truezus

—

Va mam he doa eur ya - rik wen, Va mam he  
 doa eur ya - rik wen, a zo-fe leun a viou me-len Man-tu-re la - di  
 Goustatoc'h  
 ra, la - di - ra lan-la, Tar-lan la man-tu-re la-di - ra.

Music notation: A musical score for voice and piano. The vocal part is in common time (indicated by a 'C') and consists of two staves of six measures each. The piano part is in common time and consists of two staves of six measures each, providing harmonic support for the vocal line.

2 Ne oa ken brud dre ar c'hontre (*bis*)  
 Nemet euz ar viou a zofe.

3 Allaz, allaz, eul louarn koz (*bis*)  
 A zante c'houez ha deiz ha noz.

4 Barz eur bod-spern, dre-kein an ti (*bis*)  
 Alanik a guzas e fri.

5 Pa deuaz ar yarik da c'hoari (*bis*)  
 E taolaz e bao rouz varni.

6 Ha iao d'ar c'hoat d'ober friko (*bis*)  
 Gant an oll lern a dro-var-dro.

7 Ma n'ho peuz yer, diouallit-i (*bis*)  
 Ha n'o lezit ket da c'hoari.

*Destumet ha kempennet gant P. Tr.*



## Gant ar Bombard

Gant ar bombard hag ar biniou,  
E vale drant holl dud ar meaz  
An nenv zo glaz, an avel boug  
*Lan dou di di Lan dou di da*  
An nenv zo glaz, an avel boug  
Bep tu 'tigor 'r bokedou leaz !

Merc'hed yaouank, dansit en dro,  
Flour an dachen dindan ar gwez,  
Beteg an noz, ni a droio  
*Lan dou di di Lan dou di da*  
Beteg an noz, ni a droio  
Keit ma nijo koulmed en nenv !

